

d'Riada

Rudenkirtag Sierning Faschingdienstag 17.02.2026



Griß eng Gott liabe Leit Satz uns a bissal gnädig heit Wei mia singan nur zu viert De Notn håbm uns gånz vawirrt Unser Bæss håt si valetzt Håbm - d'Stimmen nei besetzt Es klinget net sche wirkli wåhr Do für eich wird se's scho toa	Kåmmerdirektor Dietachmair Is bedauernswert heier Wei die Karin sei Frau Schmeißt's beim walken gehen au Bricht sie d'Hånd so a schmårn Jå da Karli is so årm Muaß hiazt putzn bügln kocha Und a ois åndre selber måcha
Beim lüftn san de Hamster g'storbm Beim - Hoada sans dafroan Oan Tåg vorm Christkindl gelek Wår's Geschenk für d'Kinda weg Der große Käfig is gånz leer Kriagn koane neichn Hamster mehr Se nehman net so genau Håbm zwoa Fadln eini tån	Beim Songkontest die Wurscht Conchita Håt gekündigt des is bitta Jetzt brauchans wen für die Jury Der ORF suacht wie nu nie A bissl Depat derf ma sei Und långe Zottn warad sche In Sierning gibt's oan so a Freit Lehner Sigi håt du Zeit
Sturl Elli u. Luger Maria steigern im Internet Drucker Gwaund und Gitterbett Schnäppchen Jäger san de zwoa Steigern Gmundner Gschirr sogår Teller Tassn und nu mehr Doch des Gschirr nehman net her Håbm Service für 100 Leit Sågts hoit wås - mir håbm Zeit	Da Wåldneikirchna Burgermoaster Auf's Bezirksgericht roaßt a Nåch da Kontrolle blede Gschicht Terroralarm im gånzn Gricht Wei er håt im Aktenkoffer A riesen Buschmesser koan Locher Då moant da Schnecki liebe Leitl Is jå nur mei Jausn Feitl
Letztes Jåhr in Wåldneikircha Trågn de Treiber Kopftiacha De Goldhaubm Weiber kråchan aus Treibm Fåsån und Håsñ aus D'Jaga feun - fåst ois D'Streckn måger wås solls Sovü fesche Goldhaubm Håsñ Des håbm d'Jaga net dablåsñ	Jågdleiter Guschi siacht scho schlecht Und seine Jaga erst recht Schiaßn ois ohne fråg Wås - 4 Haxn håt In seiner Wüdkåmmer geh leck Hångan nur vakehrte Beck Und - derf des wirkli sei Elch_Emil hängt a dabei
Da Großauer Gabi ihr Mercedes so a Gscher Erst oa Jåhr ålt feigelt sehr. Stirbt oiwei å springt nimmer å(n) Koana woäß wås des sei kå(nn) Hiazt muaß sofort a neicha her Do da Fehler wår net schwer Es wår nur da Tank laa Spritzer tanken tuast jå a	D'Silvia geht in d'Kåltekammer Pudl nåckert so a jammer Ihr is kålt - kinnts uns glaubm Håt netta Haubm uns Söcki ån Minus 100 Grad håts dort Då wird da Busn steif sofort D'Silvia schickt hiazt ihrn Männ Dass klein Berti wieder kånn

Ein gemetzl sonder gleichen
In Pesendorf - gabs Leichen
Da Jungwirt fährt min Traktor aus
Hächslt in Bamgärtn o graus
Dort fressn Henna gånz zufrien
Do es san koan überbliebm
Da Håns gibt Gas - ratzi fatzi
Då wårn de Henn Nåkerpatzi

Satz net beleidigt liebe leit
Mir übertreibm a bissal heit
Da Trump is a Engerl
Und da Benko koa Bengerl
Da Lehner Sigi is Heilig
Die Predigt wår heit långweilig
Wås hiazt stimmt wiss man net
Pfiat eng Gott kurze red